



唐

土岐文庫

文庫17

W77

3



15

20

25



文庫 17  
W 77  
3

昭和六年二月  
王岐子吉慶氏  
寄

010185193913

門司教  
亮藏書

王勃  
字子安  
絳州人  
麟德初對策  
召署府修撰  
作國難檄文  
高宗怒  
斥出府客劍南  
父福時坐勃左  
文趾令勃往省  
渡海弱死午二  
九與楊炯盧  
四傑  
傑

重訂唐詩別裁集卷五

長洲沈德潛歸愚選

七言古

滕王閣  
滕王元嬰建閣於豫章郡  
城西章江門外閩都督

唐詩別裁集 卷五 一



宴客於閣先命其婿作序出紙筆  
徧請客莫敢當動不辭都督遣吏  
伺其文一再報語  
益奇公曰天才也

滕王高閣臨江渚。佩玉鳴鶴罷歌舞。畫棟  
朝飛南浦雲。珠簾暮捲西山雨。閒雲潭影  
日悠悠。物換星移幾度秋。問中帝子今何  
在。檻外長江空自流。

盧照鄰 字昇之范陽人授鄧王府典  
籤後居太白山館方士染疾  
轉篤徙吳凌山  
愈甚後頽水立

長安古意

長安大道連狹斜。青牛白馬七香車。玉輦  
縱橫過主地。金鞭絡繹向侯家。龍銜寶蓋  
承朝日。鳳吐流蘇帶晚霞。百丈遊絲爭遶  
樹。一羣嬌鳥共啼花。遊蜂戲蝶千門側。碧  
樹銀臺萬種色。複道交窓作合歡。雙闕連  
甍垂鳳翼。梁家畫閣天中起。漢帝金蒸雲  
外直。樓前相望不相知。陌上相逢詎相識。

唐詩別裁集 卷五 二



借問吹簫向紫烟。曾經學舞度芳年。得成  
比目何辭死。願作鴛鴦不羨仙。比目鴛鴦  
真可羨。雙去雙來君不見。生憎恨額繡孤  
鷺好。取門簾。帖雙燕。雙燕雙飛繞畫梁。羅  
幃翠被。鬱金香。片片行雲著。蟬鬢纖纖初  
月土。鴉黃鴉黃粉。白車中出。含嬌含態情  
非一。妖童寶馬鐵連錢。娼婦盤龍金屈膝。  
那史府中烏夜啼。廷尉門前雀欲棲。隱隱

朱城臨玉道。遙遙翠螭沒金隄。挾彈飛鷹  
杜陵壯。探丸借客渭橋西。俱邀挾客菜芙蓉  
劍。共宿娼家桃李蹊。娼家日暮紫羅裙。清  
歌一轉口氛氲。北堂夜夜人如月。南陌朝  
朝騎似雲。南陌北堂連北里。五劇三條控  
三市。弱柳青槐拂地垂。佳氣紅塵暗天起。  
漢代金吾千騎來。翡翠屠蘇鸚鵡杯。羅襦  
寶帶為君解。燕歌趙舞為君開。別有豪華



稱將相。轉日回天。不相讓。意氣由來排。灌  
天專權。判不容。蕭相。專權意氣本豪雄。青  
虬紫燕坐春風。自言歌舞長千載。白謂驕  
奢凌五公。節物風光不。休。裡。恐。海。須。  
與。改。昔。時。金。階。白。玉。堂。即。今。惟。見。青。松。在。  
寂寂寥寥揚子居。年年歲歲一牀書。獨有  
南山桂花發。飛來飛去襲人裙。長安大道  
驍驍奢  
俠和艷治無所不有自嬖寵而俠客而  
全吾而權臣皆向媚家遊宿自謂可永

保富貴矣然轉瞬滄桑從存盤慕不如  
讀書自守者之為得也借言子雲聊以  
自况  
云爾

駱賓王

賓王義烏人武后時授臨海  
丞棄官去徐敬業舉兵署為  
府屬傅被天下后讀至一杯之上  
未乾六尺之孤安在髮然曰宰相  
安得大此人及徐敗  
賓王亡命不知所終

帝京篇

山河千里國。城闕九重門。不覩皇居壯。安  
知天子尊。皇居帝里嶠。函谷鶉野龍山侯。



甸服五緯連影集星墀八水分流橫地軸。  
秦塞章關一百二漢家離宮三十六桂殿  
嶽釜對玉樓椒房窈窕連金屋三條九陌  
麗誠隈萬戶千門平旦開復道斜通鳩鵲  
觀交衢直指鳳凰臺劍履南宮入簪纓北  
闕來聲明冠寰宇文物象昭回鈎陳肅蘭  
祀壁沼浮槐市銅羽應風迴金莖承露起  
校父天祿閣習戰昆明水朱邸抗平臺黃

罪通咸里平臺咸里帶崇墉炊金饌玉待  
鳴鐘小堂綺帳三千戶大道青樓十二重  
寶蓋雕鞍金絡馬蘭宮繡柱玉盤龍繡柱  
璇題粉壁影鏘金鳴玉王侯盛王侯貴人  
多近臣朝遊北里暮南鄰陸賈分金將燕  
喜陳遵投轄正留賓趙李經過密蕭朱交  
結親丹鳳朱城白日暮青牛紺幘紅塵度  
俠客珠彈垂楊道倡婦銀鈎采桑路倡家



桃李自芳菲。京華遊俠盛。輕肥延年弟。  
 雙飛八羅敷。使君千騎歸。同心結縷帶。連  
 理織成衣。春朝桂樽樽百味。秋夜蘭燈燈  
 九微。翠幌珠簾不獨映。清歌寶瑟自相依。  
 且論三萬六千是寧知。四十九年非。古來  
 榮利若浮雲。人生倚仗信難分。始見田實  
 相傾奪。俄聞衛霍有功勳。未厭金陵氣先  
 開。萬擲文朱門無復張公子。灞亭誰畏李

不見條忽。變遷華消。敬

莊子載衛靈公事

將軍相顧百齡皆有待。居然萬化成應改。  
 桂枝芳氣已銷亡。柏梁高宴今何在。春去  
 春來苦自馳。爭名爭利徒爾為。久留郎署  
 終難遇。空掃相門誰見知。當時一旦擅豪  
 自言千載常驕奢。倏忽搏風生羽翼。頃  
 矢浪委泥沙。黃雀徒巢桂。青門遂種瓜。  
 金銷鑠素絲變。一貴一賤交情見。紅顏  
 昔白頭新。脫粟布衣輕故人。故人有湮

賤者心貴

其者心賤



淪。新知無意氣。灰死韓安國。羅傷翟廷尉。  
 已矣哉。歸去來。馬卿辭蜀多文藻。揚雄仕。  
 漢。之良媒。三冬自矜誠。足用十年不調幾。  
 遭迴。汲黯薪逾積。孫弘閣未開。誰惜長沙  
 傅。獨負洛陽才。  
作帝京篇自應冠冕堂皇  
 敷陳主德此因亡之不遇  
 而言故始感而以哀頌終也首叙形勢  
 之確宮闕之壯次述王侯貴戚游俠倡  
 家之奢僭無度至古來以下擬世道之  
 變遷已矣哉以下傷一已之湮滯此非  
 詩之正聲也向來推重  
 此篇故采之以備一休

劉希夷

一名庭芝汝州人善為從軍  
 閨情之詩為時所重唐新

語載宋之問為此詩有佳句因殺  
 害希夷而以此詩為已作此因之  
 問品居下流而以惡壯之其實宋  
 之詩高於劉不用攘竊他人也非  
 說不足憑  
 每每如此

代悲白頭翁

洛陽城東桃李花。飛來飛去落誰家。幽閨  
 兒女惜顏色。坐見落花長嘆息。今年花落  
 顏色改。明年花開復誰在。已見松柏摧為



薪更聞桑田變成海。古人無復洛城東。今人還對落花風。年年歲歲花相似。歲歲年年人不同。寄言全盛紅顏子。須憐半死白頭翁。此翁白頭真可憐。伊昔江顏美少年。公子王孫芳樹下。清歌妙舞落花前。光祿池臺文錦繡。將軍樓閣畫神仙。一朝卧病無相識。三春行樂在誰邊。死轉娥眉能幾時。須臾鶴髮亂如絲。但看古來歌舞地。惟

有黃昏鳥雀悲。

少年每輕視老翁。因言孝翁當少年時亦嘗與公子王孫遊冶。一朝奄忽。盡付空虛。今之少年能免哀老乎。末又宕開作結。

### 公子行

天津橋下陽春水。天津橋上繁華子。馬聲迴合青雲外。人影動搖綠波裏。綠波蕩漾玉為砂。青雲離披錦作霞。可憐楊柳傷心樹。可憐苑李斷腸花。此日遨遊邀美女。此時歌舞入娼家。娼家美女鬱金香。飛去飛



來公子傍的的珠簾白日映娥娥王顏紅  
 粉粧花際徘徊雙蛺蝶池邊顧步兩鴛鴦  
 傾國傾城漢武帝為雲為雨楚襄王古來  
 容光人所羨况復今日遙相見願作輕羅  
 著細腰願為明鏡分嬌面與君相約轉相  
 親與君雙棲共一身願作貞松千歲古誰  
 論芳槿一朝新百年同謝西山日千秋萬  
 古北邱塵公子惑子聲色而娼家以誰語  
 答之猶所云同生同死也總不

說彼其誑令人予言外思之○隊仗  
 震上下蟬聯此初唐七古休少陵所云  
 劣于漢魏近風騷也明代何景明謂此  
 得風入之正而以少陵之沉雄頭天為  
 變伏因作明月篇以擬之王漁洋論詩  
 絕句云接跡風人明月篇何即妙悟本  
 從天王揚盧駱當時休莫逐刀圭誤  
 後賢得此論而初盛之詩呂乃定

喬知之

綠珠篇

石家金谷重新声明珠十斛買娉婷此日  
 可憐君自許此時可喜得人情君家閨閣



不曾難。常將歌舞借人看。意氣雄豪非分  
 理。驕矜勢力橫相干。辭君去君終不忍。徒  
 勞掩袂傷鉛粉。百年離別在高樓。一代紅  
 顏為君盡。知之有婢。為娘美麗善歌舞。為  
 武承嗣奪去。知之作綠珠篇以

奇竊娘。縫詩衣帶中。投井死。承  
 嗣見詩。大恨。詔酷吏羅織死之。

李

嶠。字巨川。贊皇人。弱冠舉進士。  
 侍郎神龍中。拜吏部尚書。封趙國

公。景龍中以兵部尚書同中書門  
 下三品。睿宗時。致仕卒。○紀事云  
 喬于武后時。賦金樞詩。貶唐之功

頌周之德  
 人多鄙之

汾陰行

君不見。昔日西京全盛時。汾陰后上親祭  
 祠。齋宮宿寢設厨供。撞鐘鳴鼓樹羽旂。漢  
 家四葉才且雄。賓筵萬靈服九莪。柏梁賦  
 詩高宴能。詔書法駕幸河東。河東太守親  
 掃除。奉運至尊道。參輿五營將。校列容衛  
 三河縱。觀空里閭。回旌駐蹕降靈場。焚香



奠醑邀百祥。金鼎發食正。焜煌靈祇燁。  
 攄景光。埋玉陳牲禮。神畢舉。麾上馬乘輿。  
 出。彼汾之曲。嘉可遊。杏蘭為楫。桂為舟。棹  
 歌微吟。綵鷁浮。簫鼓哀鳴。白雲秋。歡娛宴  
 洽。賜羣后。家家復除戶。牛酒。声名動天樂。  
 無有。千秋萬歲。南山壽。自從天子向秦關。  
 王輦金輿不復還。帝崩于五柞山珠簾羽帳長窳。冥鼎湖  
 龍髯安可攀。千齡人事一朝空。四海為家

此路竊雄豪。意氣今何在。壇場宮館盡。商  
 蓬略。蓬故。老長嘆息。世事迴還不可測。昔  
 時青樓對歌舞。今日黃埃聚荆棘。山川滿  
 目。淚沾衣。富貴若華能。或時不見。只今汾  
 水上。惟有年年秋鴈飛。明皇封神泰山後  
 宜乎聞此辭。于還播之。徐幾平泣下也。  
 爾時風格乍開。故句調未能全合。  
 沈佺期。字雲卿。內黃人。弟進士。長安  
 外郎。坐事配流嶺表。神龍中授起  
 居郎。後歷太子詹事。佺期與宋



之間作詩音韻相和  
均勻準篇號沈宋体

古歌

落葉流風向玉臺。夜寒秋思洞房開。水晶  
簾外金波下。雲母窗前銀漢回。玉堦陰陰  
苔蘚色。君王履綦誰再得。璇闈窈窕秋夜  
長。繡戶裊細秋月光。燕姬採帳芙蓉色。秦  
女金鑪蘭麝香。北斗七星橫夜半。清吹一  
曲斷君腸。

入少密谿

云峰苔壁遶谿斜。江路春風夾岸花。樹密  
不嫌通鳥道。鷄鳴始覺有人家。人家更在  
深巖口。澗水週流宅前後。遊魚瞥見雙鉤  
童。伐木丁丁一樵叟。自言遶谿非避秦。辟  
衣耕鑿帝堯人。相留且待雞黍熟。夕卧深  
山雜月春。

宋之問



龍門應制

新雨霽氛埃。流雲度城隈。  
柳新翠。苑樹花先發。洛陽花柳此時濃。  
山水樓臺映幾重。  
羣公拂霧朝翔鳳。天子乘春幸鑿龍。  
鑿龍近出王城外。羽從琳瑯擁軒蓋。  
雲軿終臨御水橋。天衣已入香山會。  
山壁新巖斷復連。清流澄澈俯伊川。  
鴈塔遙臨綠波上。星龕奕奕翠微邊。  
層空舊長千尋木。遠

壑初飛萬丈泉。綵仗紅旌遶香閣。下輦登  
高望。河洛東城宮闕開。擬昭回。南陌溝塍殊  
綺錯。林下天香七宝臺。山中春酒萬年杯。  
微風一起祥花落。仙樂初鳴瑞鳥來。鳥來  
花落紛無已。稱觴獻壽香霞裏。歌舞淹留  
景欲斜。石闕猶駐五雲車。鳥旗蕞也留芳  
草。龍騎駸也映晚花。千乘萬騎盡出。水  
靜山空嚴警蹕。郊外喧喧引看人。傾都南



望屬車塵。哀聲引颺。聞黃道。王氣周迴。入

紫宸。先王定鼎。山河固。寶命乘周。萬物新

吾君不事。瑤池樂時。雨來觀農。扈耒代后

門命羣臣賦詩先成者賜以錦袍乘方

此詩成拜賜坐未安之間詩成文理兼

### 寒食陸渾別業

洛陽城裏花如雪。陸渾山中今始發。且別

河橋楊柳風。夕卧伊川桃李。伊川桃李

正芳新。寒食山中酒復春。野老不知堯舜

力。酣歌一世太平人。

### 寒食江州滿塘驛

去年上巳洛橋邊。今年寒食六山由。迥

鞏樹花應滿。復見吳洲竹新綠。吳洲春草

蘭杜芳。感物思歸懷故鄉。驛騎明朝發。何

處猿聲今夜斷。君腸。

至端州驛見杜五密言沈三任期



閩五朝隱王二無競題辭慨然  
成詠是中諸人皆與張易之往來者張敗諸人張胤南方  
逐臣北地承嚴譴謂到南中每相見豈意  
南中岐路多子山萬水分鄉縣雲狂雨散  
各翻飛海濶天長音信稀處處山川同瘴  
瘴自言能得幾人歸

明河篇

八月涼風天氣清萬里無雲河漢明昏見

南樓清且淺曉落西山縱復橫洛陽城  
天中起長河夜夜千門裏復道連甍共蔽  
虧畫堂瓊戶特相宜雲母帳前初汎灑  
晶簾外轉逶迤倬彼昭回如練白復出東  
城接南陌南陌征人去不歸誰家今夜搗  
寒衣鴛鴦機上踈螢度烏鵲橋邊一雁飛  
鴈飛螢度愁難歇坐見明河漸微沒已能  
舒卷任浮雲不惜光輝譏流月明河可望



不可親願得飛槎。一問津。更將織女支機石。還訪城都賣卜人。

郭振

古劍篇

君不見昆吾鐵冶飛火煙。紅光紫氣俱赫然。良工鍛鍊凡幾年。鑄得寶劍名龍泉。龍泉顏色如霜雪。良工咨嗟嘆奇絕。琉璃匣匣吐蓮花。錯鏤金函映明月。正逢天下無

風塵。幸得周防君子身。精光黯黯青蛇色。文章片片綠龜鱗。非直結交遊俠子。亦曾親近英雄人。何言中道遭棄捐。零落飄泊古獄邊。雖復沈埋無所用。猶能夜夜氣衝天。

杜詩云高詠室劍篇神天交付冥漠謂此詩也

張

說良方正弟一歷中宗睿宗至

玄宗朝為中書令封燕國公卒謚文貞

鄴都引



君不見魏武草創爭天祿。羣雄睚眦相馳逐。畫擣壯士破堅陣。夜接詞人賦華屋。都邑繚繞西山陽。桑榆漫漫漳河曲。城郭為墟人代改。但見西園明月在。鄴傍高冢多貴臣。蛾眉曼睩共灰塵。試上銅臺歌舞臺。惟有秋風愁殺人。聲調漸響去王楊虛駱體遠矣。草創二字居然史筆。畫擣壯士二句叙得簡老。

陳子昂

登幽州臺歌

不另列雜言一類。因州七言古內。

前不見古人。後不見來者。念天地之悠悠。獨愴然而涕下。子于登高時每有今古茫茫之感。古人先已言之。

張若虛

若虛開元初人。與賀知章張旭齊名。

春江花夜月

春江潮水連海平。海上明月共潮生。滌滌隨波千萬里。何處春江無月明。江流宛轉繞芳甸。月照花林皆似霰。空裏流霜不覺



飛汀上白沙。看不見江天一色無纖塵。皎皎空中孤月輪。江畔何人初見月。江月何年初照人。人生代代無窮已。江月年年祇相似。不知江月待何人。但見長江送流水。白雲一片去悠悠。青楓浦上不勝愁。誰家今夜扁舟子。何處相思明月樓。可憐樓上月徘徊。應照離人妝鏡臺。玉戶簾中卷不去。捲交砧上拂還來。此時相望不相聞。願

逐月華流照君。鴻鴈長飛光不度。魚龍潛躍水成文。昨夜閑潭夢落花。可憐春半不還家。江水流春去欲盡。江潭落月復西斜。斜月沉沉藏海霧。碣石瀟湘無限路。不知乘月幾人歸。落月搖情滿江樹。前牛見人明常在江月不特人惟江流與月同無盡也後半寫思婦長望之情曲折三致匙中五字安放自然猶是王楊盧駱之休

孫 遜 博州人開元十年舉貢良

正官至中書舍人典詔詰



春日留別

春路逶迤花柳前。孤舟晚泊就人煙。東山  
白雲不可見。西陵江月夜娟娟。春江夜盡  
潮聲度。征帆遙從此中去。越國山川看漸  
無。可憐愁思江南樹。以上諸篇誌初

高

適

李村外高岑王李七  
言古中昆矯健者

邯鄲少年行

邯鄲城南遊俠子。自矜生長邯鄲裏。干場

縱博家仍富。幾處報讐身不死。宅中歌笑

日紛紛。門外車馬如雲屯。未知肝膽向誰

是。令人卻憶平原君。君不見今日交態薄。

黃金用盡還踈宗。以茲感嘆辭舊遊。更干

時事無所求。且與少年飲美酒。往來射獵

西山頭。不憶信陵而憶平原  
以邯鄲為趙地之故

古大梁行

古城莽蒼饒荆榛。驅馬荒城愁殺人。魏王



官觀盡禾黍。信陵賓客隨灰塵。憶昨雄都  
舊朝市。軒車照耀歌鐘起。軍容帶甲三十  
萬。國步連營五千里。全盛須臾那可論。高  
臺曲池無復存。遺墟但見狐狸迹。古地空  
餘州木根。暮天搖落傷懷抱。撫劍悲歌對  
秋草。俠客猶傳朱亥名。行人尚識夸門道。  
白壁黃金萬戶侯。寶刀駿馬填山丘。五年代  
淒涼。不可問。往來惟見水東流。

燕歌行

開元二十六年。客有從元戎出塞而  
還者。作燕歌行以示適感征戍之事。  
因而和焉。

漢家煙塵在東北。漢將辭家破殘賊。男兒  
本自重橫行。天子非常賜顏色。橫金伐鼓  
下榆關。旌旆逶迤碣石間。校尉羽書飛瀚  
海。單于獵火照狼山。山川蕭條極邊土。胡



人言易表其  
卷五  
二十  
騎。憑。凌。雜。風。雨。戰。士。軍。前。斗。死。生。美。人。帳。  
下。猶。歌。舞。大。漠。窮。秋。塞。州。崩。孤。城。落。日。闌。  
兵。稀。身。當。息。遇。常。輕。敵。力。盡。關。山。來。解。圍。  
鐵。衣。遠。戍。辛。勤。久。玉。筋。應。啼。別。離。後。少。婦。  
城。南。欲。斷。腸。征。人。勤。北。空。回。首。邊。庭。飄。颻。  
那。可。度。絕。域。蒼。茫。無。所。有。殺。氣。三。時。作。陣。  
雲。寒。聲。一。夜。傳。刁。斗。相。看。白。刃。雪。紛紛。死。  
節。從。來。豈。顧。勳。君。不。見。沙。場。征。戰。苦。至。今。

猶憶李將軍

七言古中時帶控句局功方不散漫若李杜風而分飛魚

能百變又不  
可以一論

### 送田少府貶蒼梧

沉吟對遷客。惆悵西南天。昔為一官夫。得  
意今向萬里人。憐念茲斗酒成瑛。聞停  
舟。嘆君日將宴。遠樹應連北地春。行人卻  
羨南歸鴈。丈夫窮達未可知。看君不合長  
數奇。江山到處堪乘興。楊柳青青那足悲。



贈別晉三處士

有人家住清河源，渡河問我遊梁國。  
手持道經注已畢，心知內篇口不言。  
靈門十年見秋艸，此心惆悵誰能道。  
知已從來不易知，慕君為人與君好。  
別時九月桑葉疎，出門千里無行車。  
愛君且欲君先達，今上未賢早上書。

賦得還山吟送沈四山人

還山吟。天高日暮寒山深，送君還山識君心。  
人生老大須恣意，看君解作一生事。山  
間偃仰無不至，石泉淙淙若風雨。桂花松  
子常滿地，賣藥囊中應有錢。還山服藥又  
長年，白雲勸盡杯中物。明月相隨何處眠。  
眠時憶問醒時事，夢魂可以相周旋。

人日寄杜二拾遺

人日題詩寄草堂，遙憐故人思故鄉。  
柳條



弄色不忍見梅花滿枝空斷腸身在南蕃

時為偏一無所預心懷百憂復千慮今年人日空相

憶明年人日知何處一卧東山三十春豈

知書劍老風塵龍鍾還忝二千石憚爾東

西南北人言羈絆一官守踪斷便轉不如放遊四方之為樂也

封正照

我本漁樵孟諸野一生自是悠悠者在可

狂歌直澤中寧堪作吏風塵下詆言小邑

無所為公門百事皆有期拜迎官長心欲

碎鞭撻黎庶令人悲悲來向家問妻子舉

家鞭撻今如此生事應須南畝田世情付

與東流水夢想舊山安在哉為銜君命日

遲迴乃知梅福徒為爾轉憶陶潛歸去來

別韋參軍

二十解書劍西遊長安城舉頭望君門屈

指取公卿國風冲馳邁三五朝廷禮樂彌



寰宇。白璧皆言賜近臣。布衣不得子明主。  
 歸來洛陽無負郭。東過梁宋非吾土。兔苑  
分承梁宋為農歲不登。鴈池垂釣心長苦。世人向我  
 同眾人。唯君於我最相親。且喜百年見交  
 態。未嘗一日辭家貧。彈棋擊筑白日晚。縱  
 酒高歌楊柳春。歡娛未盡分散去。使我惆  
 悵驚心神。丈夫不作兒女別。臨歧涕淚沾  
 衣巾。

送渾將軍出塞

以蒼人而為漢將者

將軍族貴兵且強。漢家已是渾瑊玉子孫。  
 相承在朝野。至今曲部燕支下。控弦盡用  
 陰山兒。登陣長騎大宛馬。銀鞍玉勒繡  
 弧每逐嫖姚破骨都。李廣從來先將士。衛  
 青未肯學孫吳。傳有沙場千萬騎。昨日邊  
 庭羽書至。城頭畫角三四聲。匣裏寶刀畫  
 夜鳴。意氣能甘萬里去。辛勤動作一年行。



黃雲白草無前後。朝建旌旗夕刀斗。塞下  
 應多快少年。關西不見春楊柳。從軍借問  
 所從誰。擊劍酣歌當此時。遠別無輕結。朝  
 策平戎早寄仲宣詩。

岑參

登古鄴城

本戰國時鄴邑屬魏三國時曹氏都於此

何馬登鄴城。城空復何見。東風吹野火。暮  
 心飛雲殿。城隅南對望陵臺。漳水東流不

復回。武帝宮中人去盡。年年春色為誰來。

題匡城周少府廳壁

婦姑城南風雨秋。婦姑城中人獨愁。愁雲  
 遮却望鄉處。數日不上西南樓。故人薄暮  
 公事閒。玉壺美酒琥珀盤。潁陽秋草今黃  
 盡。醉以君家猶未還。

梁州館中與諸判官夜集

彎彎月出掛城頭。城頭月出照梁州。梁州



七里十萬家。胡人半解彈琵琶。琵琶一曲  
 腸欲斷。風蕭蕭兮夜漫漫。河西幕中多故  
 人。故人別來三五春花。門樓前見秋草。豈  
 能貧賤相看老。一生大嘯能幾回。斗酒相  
 逢須醉倒。

胡笳歌送顏真卿使赴河隴

君不聞胡笳聲最悲。紫髯綠眼胡人吹。吹  
 之一曲猶未了。愁殺樓蘭征戍兒。涼吹入

月蕭關。遶北風吹斷天山草。崑崙山南月

欲斜。胡人向月吹胡笳。胡笳怨兮將送君。

秦山遥望隴山雲。邊城夜夜多愁夢。向月

胡笳誰喜聞。只言笳聲之悲見河隴之不堪使而惜別在言外矣

函谷關歌送劉評事使關西

君不見函谷關。崩城毀壁至今在。樹根草  
 蔓遮古道。空谷千年長不改。寂寞無人空  
 舊山。聖朝無事不須關。白馬公孫何處去



青牛老人更不還。蒼苔白骨空滿地。月與古時長相似。野花不省見行人。山鳥何曾

更故人方乘使者車。吾知郭丹卻不

請君時憶關外客。行到關西多致書。劉

七畧公孫龍持白馬之論以度關後漢書郭丹字少卿買符人函谷關慨然嘆

關更始二年乘高車出關

火山雲歌送別即小頭痛山

亦亭口火山五月火雲厚火雲

滿山凝未開。飛鳥千里不敢來。平明乍逐

胡風。新薄暮。渾隨塞兩回。繚繞斜吞鐵關

樹。氛氳羊掩交。河成迢迢征路。火山東山

上孤雲隨馬去。

走馬川行奉送封大夫出師征西

即封常清也。秦常從常清也。兵輪臺故多邊塞之作。

君不見走馬川行雪海邊。平沙莽莽黃入

天。輪臺九月風夜吼。一川碎石大如斗。隨



風滿地石亂走匈奴草黃馬正肥。金山西  
 見煙塵飛。漢家大將西出師。將軍金甲夜  
 不脫。半夜軍行戈相撥。風頭如刀面如割。  
 馬毛帶雪汗氣蒸。五花連錢旋作冰。幕中  
 艸檄硯水凝。虜騎聞之應膽慄。料知短兵  
 不敢接。軍師西門佇獻捷。勢險節短。句一  
轉此嶧山。文法  
也。唐中興頌亦然。

輪臺歌奉送封大夫出師西征

輪臺城頭夜吹角。輪臺城北旄頭落。羽書  
 昨夜過渠黎。單于已在金山西。戍樓西望  
 塵黑。漢兵屯在輪臺北。上將擁旄西出  
 征。平明吹笛大軍行。四邊伐鼓。雪海擁三  
 軍。大呼陰山動。虜塞兵氣連雲屯。戰場白  
 骨纏草根。劍河風急雲片澗。沙口石凍馬  
 蹄脫。亞相勤王甘苦辛。誓將報主靜邊塵。  
 古來青史誰不見。今見功名勝古人。



白雪歌送武判官歸

北風捲地白州折。胡天八月即飛雪。忽如  
 一夜春風來。千樹萬樹梨花開。散入珠簾  
 溼羅幕。狐裘不暖錦衾薄。將軍角弓不得  
 控。都護鐵衣冷難著。關于猶言然也瀚海闕干百丈冰。恐  
 雪凜淡萬里姿。中軍置酒飲歸客。胡琴琵琶  
 箏與羌笛。紛紛暮雪下。轅門風掣。旗凍  
 不翻輪臺東門送君去。去時雲滿天。山路  
 無  
 迴路。轉不見君。雪山空留馬行處。

衛節度赤驃馬歌

君家赤驃畫不得。一團旋風桃花色。紅纓  
 紫韁珊瑚鞭。玉鞍錦韉黃金勒。請君鞞出  
 看君騎。尾長翠地如紅絲。自矜諸馬皆不  
 及。卻憶百金初買時。香街紫陌鳳城內。滿  
 城見者誰不愛。揚鞭驟急白汗流。弄影行  
 驕碧蹄碎。紫髯胡兒金剪刀。手明剪出三



驥高。櫪上看時。獨意氣。眾中牽出。偏雄豪。  
騎將獵。向南山口。城南狐兔。不復存。牝頭。  
一點疾。如飛卻。使蒼鷹。翻向後。憶昨看君。  
朝未央。鳴珂擁蓋。滿路香。始知邊。河真富。  
貴。可憐人馬。相輝光。男兒稱意。得如此。駿。  
馬長鳴。北風起。待君東去。掃胡塵。為尹。一。  
日行千里。

太白胡僧歌 并序

太白中峰絕頂有胡僧。不知幾百。  
歲。眉長數寸。身不製繒帛衣。以草。  
葉恒持。伽經雲。辟迥絕。人迹罕到。  
嘗東峰有鬪虎。弱者將死。僧杖而。  
解之。西湫有毒龍。久而為患。僧器。  
而貯之。商山趙叟。前年采。深。  
入太白。偶值此僧。訪我而說。予恒。  
有獨往之意。聞而悅之。乃為歌曰。



聞有胡僧在太白。蘭若去天二百尺。一持  
楞伽入中峰。世人難見但聞鐘。忘邊錫杖  
解兩虎。床下鉢盂藏一龍。草衣不針復不  
線。兩耳垂肩眉覆面。此僧年幾那得知。手  
種青松今十圍。心採流水同清淨。身與浮  
雲無是非。南山老人已曾識。願一見之何  
由得。山中有僧人不知。城裏看山空黛色。  
言城裏但知有山也。是上一句意。

西亭子送李司馬

高高亭子郡城西。直上千尺與雲齊。盤崖  
緣壁試攀躋。羣山向下飛。鳥低使君五馬  
天。半嘶絲繩玉壺為君提。坐來一望無端  
似。紅花綠柳鶯亂啼。千家萬井連迴溪。酒  
行未醉聞暮鷄。點筆操紙為君題。為君題  
惜解攜。艸萋萋。沒馬蹄。

與獨孤漸道別長句兼呈嚴八侍



御

輪臺客舍春艸滿。潁陽歸客腸堪斷。窮荒  
 絕漠鳥不飛。萬積千山夢猶懶。憐君白面  
 一書生。讀書千卷未成名。五貴侯門脚不  
 到。數畝山田身自耕。興來浪迹無遠近。反  
 至辭家憶鄉信。無事垂鞭信馬頭。西南幾  
 欲窮天盡。奉使白三年獨未歸。邊頭詞客舊  
 來稀。借問君來得幾日。到家不覺換春衣。

尚高嘉法書卷羅幕。紗帽接離慵不著。中酒  
 朝眠日色高。彈棋夜半燈花落。冰片高堆  
 金錯盤。滿堂凜凜五月寒。桂林蒲桃新吐  
 蔓。武城刺蜜未可餐。軍中置酒夜。搥鼓錦  
 筵紅燭月未午。花門將軍善胡歌。葉河蕃  
 王能漢語。知爾園林壓渭濱。夫人堂上泣  
 羅裙。魚龍川北盤谿雨。鳥鼠山西洮水雲。  
 馬中嚴公於我厚。別後新詩滿人口。白麟

片言別表集  
 卷五  
 三



棄置天西頭。因君為問相思否。

此詩硬轉  
突接不須

蛛然馬跡古詩  
中另是一格

李

頎 東川比高岑  
多和緩之響

古意

男兒事長征。少小幽燕客。賭勝馬蹄下。由  
來輕七尺。殺人莫敢前。鬚如蝟毛。髮黃雲  
隴裏。白雲飛未得報恩。不能歸。遼東小婦  
年十五。慣彈琵琶。解歌舞。今為羌笛出塞

愛敬寺有勝歌

古藤池水盤樹根。左攬右拏龍虎蹲。橫空  
直上相陵突。丰茸離纒若無骨。風雷霹靂  
連黑枝。人言其下藏妖魘。空庭落葉乍開  
合。十民苦寒常倒垂。憶昨花飛滿空殿。家  
華吹香飯僧遍。南陌雙桐一百尺。相與年  
年老霜霰。

送劉十

唐詩別裁集

卷五

三



三十不官亦不娶時人焉識道高下房中  
惟有老氏經櫪上空餘少游馬往來嵩華  
與函秦放歌一曲前山春西林獨鶴引閒  
步南澗飛泉清角中前年上書不得意歸  
卧東山兀然醉諸兄相繼掌青史第五之  
名齊驃騎烹葵摘果告我行落日夏雲縱  
復橫聞道謝安掩口笑知君不免為蒼生

別梁錕

梁生凋儻心不羈途窮氣蓋長安兒回頭  
轉眄侶鵬鴉有志飛鳴人豈知雖云四十  
無祿位曾與大軍掌書記抗辭請刃誅部  
曲作色論兵犯二帥一言不合龍額侯擊  
劍拂衣從此棄朝朝飲酒黃公壚晚帽露  
頂爭叫呼庭中積鼻昔常挂懷裏琅玕今  
在無時人見子多落魄共笑狂歌非遠國  
忽然遣躍紫駟馬還是昂藏一丈夫洛陽



城頭曉霜白，層冰峨峨滿。川澤但聞行路吟，新詩不嘆舉家無。儻存莫言貧賤長，可欺覆篋成山當。有時莫言富貴長，可託木樨朝看暮還落。不見古時塞上翁，倚仗由來任天作。去去滄波勿復陳，五湖三江愁殺人。結有世路風波意，非專言江湖難涉也。

琴歌送別

主人有酒歡今夕，請奏鳴琴廣陵客。月照

盤使我三軍淚如雨。

古從軍行

白首登山望烽火，黃昏飲馬傍交河。行人刁斗風沙暗，公主琵琶幽怨多。野雲萬里無城郭，雨雪紛紛連大漠。胡雁哀鳴夜夜飛，胡兒眼淚雙雙落。聞道玉門猶被遮，應將性命逐輕車。年年戰骨埋荒外，空見蒲桃入漢家。以人命換塞外之物，失策甚矣。為開邊者垂戒，故作此詩。



古行路難

漢家名臣楊德祖。四代五公享節士。父子兄弟綰銀黃。躍馬鳴珂朝建章。火浣單衣繡方領。茱萸錦帶王盤囊。賓客填街復滿座。片言出口生輝光。世人逐勢爭奔走。瀝膽隳肝惟恐後。當時一顧登青雲。自謂生死長隨君。一朝謝病還鄉里。窮巷蒼苔絕知己。秋風落葉關重門。昨日論文竟誰是。

薄俗嗟嗟難重陳。深山麋鹿可為隣。魯連所以蹈東海。古往今來稱達人。此借揚氏利之徒言之。末言魯連蹈海正能一空勢利之見耳。

送劉昱

八月寒葦花。秋江浪頭白。北風吹五兩。誰是潯陽客。鸕鷀山頭宿。雨晴揚州郭。裡著潮生。行人夜宿金陵渚。試聽沙邊有鴈聲。

郭璞江賦。規五兩之動靜。謂候風耳也。



崔五大圖屏風各賦一物得烏孫

佩刀

烏孫腰間佩兩刀。刀可吹毛錦為帶。此言

杙宿穹廬室。馬上割飛蠶。蠶塞執之。魍魎

誰能前。氣凜清風沙。漠邊磨用陰。此一

石。洗將胡地獨。流泉主人屏風。馬奇狀。鐵

鏃金銀儼相向。回頭瞪目時。一看使予心。

在江湖上。音載紀慕容號

城頭鳥半飛。霜淒萬木風入衣。銅鑪華燭

燭增輝。初彈涿水後。楚妃一聲已。動物皆

靜。四座無言。星欲稀。清淮奉使千餘里。敢

告雲山從此始。比高堂如空山能使江

五 維

送友人歸山歌二首

山寂寂。今無人。又蒼蒼。兮多木。羣龍兮滿

朝。君何為兮空谷。文寡和兮思深。道難知



今行獸悅石上今流泉與松間今州屋入  
 雲中今養雞上山頭今抱續神與棗今如  
 瓜虎賣杏今收穀愧不才今妨賢嫌既老  
 兮貪祿誓解印兮相從何詹尹兮可卜神  
傳董奉種杏數萬株買杏者將穀一器置倉中即自往取一器若穀少杏多有  
之 虎逐  
 山中人兮欲歸雲冥冥兮雨霏霏水驚波  
 兮翠管靡白鷺忽兮翻飛君不可兮塞衣

山萬重兮一雲混天地兮不分樹暗暖兮  
 氛氳獨不見兮空聞忽山西兮少陽見東  
 臯兮遠村平燕練兮千里眇惆悵兮思君  
山萬重兮以下寫去  
後情事如披畫圖

隴頭吟

長安少年游俠客夜上戍樓看太白隴頭  
 明月尚臨關隴上行。人夜吹笛關西老将  
 不勝愁駐馬聽之雙淚流曾經大小百餘



戰麾下偏裨萬戶侯蘇武纔為典屬國節

旄空落海西頭少年看太白星欲以立邊功自命也然老將百戰不

侯蘇武祗邊薄賞  
邊功豈易立哉

奪門歌侯羸抱關處

七國雄雌猶未分攻城殺將何紛紛秦兵

益圍邯鄲急魏王不救平原君公子為羸

停駟馬執轡逾恭意逾下亥為屠肆鼓刀

人羸乃奪門抱關者非但慷慨獻奇謀意

氣蓋將身命酬向風刎頸送公子七十老

翁何所求言老翁之刎頸豈有所求於公于耶特以意氣相激故耳

洛陽女兒行

洛陽女兒對門居纔可容顏十五餘良人

玉勤乘驄馬侍女金盤膾鯉魚書閣朱樓

盡相望經桃綠柳垂簷向羅帷王上七香

車寶扇迎歸九華帳狂夫富貴在青春意

氣驕奢劇季倫自憐碧玉親教舞不惜珊



瑚持與人春宮曠滅九微火九微片片飛  
 花璫戲罷曾無事時粧成祇是薰香坐  
 城中相識盡繁華日吏經過趙李家  
 越女顏如玉省賤江頭自浣紗結意况君  
子不遇也

與西施永  
同一奇託

老将行

此種詩純以隊仗勝學詩  
昔不能從李杜人在尋常  
侍自有門  
是司尋

少年十五二十時步行奪取胡馬騎討殺

山中白額虎肯數鄴下黃鬚兒一身轉戰  
 三千里一劍曾當百萬師漢兵奮迅如霹  
 古虜騎崩騰畏疾蒸衛青不敗由天幸李  
 廣無功緣數奇自從棄置便衰朽世事蹉  
 跎成白首昔時飛箭無全目今日垂楊生  
 左脉路傍時盡故侯瓜門前藥種先生柳  
 蒼茫古木連窮巷寥落寒山對虛牖誓令  
 踈勤出飛泉不似潁川空使酒賀蘭山下

指漢夫



陣如雲羽檄文馳日夕聞節使三河募年  
 少詔善五道出將軍試拂鐵衣如雪色聊  
 持寶劍動星文願得燕弓射天將恥令越  
 甲鳴吾君莫嫌舊日雲中宋猶堪一戰立  
 功勲賣瓜種柳極形茶莫後半寫出隸鞍  
 顧此意不敢以哀老自廢棄也。莊  
 子支離叔與滑介叔觀於真伯之邱俄  
 而柳生其左肘柳蕩也非楊柳之柳

桃源行

漁舟逐水愛山春兩岸桃花夾去津坐看

紅樹不知遠行盡清溪不見人山口潛行  
 始隈隩山開曠望旋乎陸遥看一處攢雲  
 樹迺入千家散花竹樵客初傳漢姓名居  
 人未改秦衣服居人共住武陵源還從物  
 外起田園月明松下房櫳靜日出雲中雞  
 犬喧驚聞俗客冬來集競引還家開都邑  
 平明閭巷掃花開薄暮漁樵乘水入初同  
 遊地去人間反至成仙遂不還峽裏誰知



有人事世中。遙望空雲山。不疑靈境難聞  
 見塵心未盡。里卿縣出洞。無論隔山水。辭  
 家終擬長遊行。自謂經過舊不迷。安知峰  
 壑今來變。當時只記入山深。青谿幾度到  
 雲林。春來遍是桃花水。不辨仙源何處尋。  
順文叙事不煩自出意見而  
 夸猶吝與令人未之不盡

畚張五弟

終南有茆屋前對終南山終年無客長閉

關終日無心長自閒。不妨飲酒復垂釣。若  
 但未來相往還。

同崔傅各賢弟

洛陽才子姑蘇客。桂苑殊非故鄉陌。九江  
 楓樹幾回青。一片揚州五湖白。揚州時有  
 下江兵。蘭陵鎮前吹笛聲。夜火人歸富春  
 郭。秋風鶴唳石頭城。周郎陸弟為傳侶對  
 舞前谿。歌白紵曲几。王羲之書書留小史家。草堂基



賭山陰野衣冠若話外臺臣先數夫君席  
上珍更聞臺閣求三語遙想風流第一人  
寓疎蕩于隊仗之中此盛唐人身分

崔顥

七夕詞

長安城中月如練家家此夜持針線仙裙  
玉佩空自知天上人間不相見長信深陰  
夜轉幽玉階金闕數螢流班姬此夕愁無

限所漢三更看斗牛言長信宮居不能如  
牛女之一年一見西

情深  
無限

孟門行

黃雀銜黃花翩翩傍簷隙木擬報君恩如  
何反彈射金罍美酒滿座春平原愛才多  
眾寡滿堂盡是忠義士何意得存纜諛人  
謾言反復那可道能令君心不自保地國  
新栽桃李枝根棘未固何轉移成陰結實



君自取甚聞傍人那得知此體作結委曲深死耐人尋擇

○成陰第言即報恩之喻言君宜不惑于讒言也

孟浩然

夜歸鹿門歌

山寺烏鐘盡已昏。漁梁渡頭爭渡喧。人隨沙岸向江村。亦乘舟歸鹿門。鹿門月照開烟樹。忽到一龍公。婁隱處巖扉松。逕長窅窅惟有人。自來去。

丁仙芝

何人開元造官餘枕尉

餘杭

歌贈吳山人

○四○句○此○上○人○之○高○光○也○樂○府○  
曉幕紅襟鸞。春城白項鳥。只來梁上語。不向府中趨。城頭坎坎鼓聲曙。滿庭新種櫻桃樹。桃花昨夜撩亂開。當軒發色映樓臺。十千免得餘杭酒。二月春城長命杯。酒後留君待明月。還將明月送君回。

儲光羲



登戲馬臺作

君不見宋公杖鉞誅燕后，英雄踴躍爭超走。  
 志小會衣冠，呂梁塞天微甲卒礪礪口。天  
 門神武樹元勳，九日茱萸饗六軍。泛泛樓  
 船遊杳浦，搖搖歌吹動浮雲。居人滿目市  
 朝變，霸業猶存。齊楚甸泗水南流，桐栢川  
 沂山北走。瑯琊縣滄海沉沉，晨霧開彭城  
 烈烈。秋風來少年，自言未得意。日暮蕭條

登古臺

張謂

贈喬

去年上策不見收，今年寄食仍淹留。羨君  
 有酒能便醉，羨君無錢能不受。如今五侯  
 不待客，羨君不入五侯宅。如今七貴方自  
 尊，羨君不過七貴門。丈夫會應有知己，世  
 上悠悠安足論。元微之氣如見



湖中對酒作

夜坐不厭湖上風。晝行不厭湖上山。眼前  
一樽又常滿。心中萬事如等閒。主人有黍  
萬餘石。濁醪數斗應不惜。即令相對不盡  
歡。別後相思復何益。茱萸灣頭歸路賒。願  
君且宿黃公家。風光若此人不醉。夢差孤  
三東園花。

代北州老翁言

負薪老翁住北州。北望鄉閭生客愁。自言  
老翁有三子。兩人已向黃沙死。如今小兒  
新長成。明年聞道又徵兵。定知此別必零  
落。不及相隨同死生。盡將田宅借鄰伍。且  
復伶俜去鄉土。在生本求多子孫。及有誰  
知更辛苦。近傳天子尊武臣。強兵直欲靜  
胡塵。安邊自合有長策。何必流離中國人。

公明皇贖武而言與  
老杜不壞吏相似



人言... 卷五... 吳

王昌齡 一城傍曲

秋風鳴桑條。草白狐兔驕。邯鄲飲來酒未  
滿。城北原。早擊皂鵬射。殺空營。雨騰虎。身  
却月。佩弓。猶齊風子之還。

烏棲曲

白馬逐朱車。黃昏入狹斜。柳樹烏爭宿。爭  
枝未得飛上屋。東房少婦。塔從軍。毋聽烏  
啼知夜分。

五卷終

重訂唐詩別裁集卷六

長洲沈德潛歸愚選

李白 太白七言古想落天外局自

云從空隨風。變滅此殆天授。非人  
可及。集中如笑矣。乎悲來乎懷  
素草書歌等作。皆五代凡庸子所  
擬。後人無識。將此種入選。謬訛者  
指太白為相。淺人作俑矣。李詩  
者于雄快之中。得其深遠。名迹之  
神。才是謫  
仙人面目

遠別離

重訂唐詩別裁集卷六



重言身計分若一為一

遠別離古有英皇之二女乃在洞庭之南

瀟湘之浦海水直下萬里深誰人不言此

離苦日慘慘兮雲冥冥猩猩啼煙兮鬼嘯

雨我絃言之將何補皇穹竊恐不昭余之

忠誠天問曰康以馬雲鴻憑兮欲吼怒堯舜當之亦禪禹

君失臣明皇分寵為魚權歸臣方歲宴虎或言

堯幽囚舜野死九疑連縣皆相似重瞳孤

墳竟何是帝子泣兮綠雲間隨風波兮去

無還慟哭兮遠望見蒼梧之深山言此恨不絕蒼梧山

崩湘水絕竹上之淚乃可滅玄宗禪位於

輔國謂上皇居興慶宮交通外人將不利

于陛下于是徒上皇于西內快快不逾時而崩詩蓋拍此也太白失位之人雖言何補故託而古以致諷焉

### 蜀道難

噫吁噫危乎高哉蜀道之難難於上青天

蜀王始相名蒼巖及魚鳥開國何茫然爾來四萬八千

歲不與秦塞通人煙西當太白有鳥道可

行



以橫絕峨眉巔地崩山摧狀士死五丁開山元于山崩然後天  
 梯石棧相鈎連上有六龍迴日之高標下  
 有衝波逆折之迴川黃鶴之飛尚不得過  
 猿獠欲度愁攀緣青泥何盤盤百步九折  
 紫巖巒捫參歷井仰脅息以手撫膺坐長  
 歎問君西游何時還畏途巖巖不可攀但  
 見悲鳥號古木雄飛雌從繞林間又聞子  
 規啼夜月愁空山蜀道之難難于上青天

使人聽此凋朱顏連峰去天不盈尺枯松  
 倒挂倚絕壁飛湍瀑流爭喧豨砢崖轉石  
 萬壑雷其險之若此嗟爾遠道之人胡為  
 乎來哉劍閣崕崕而崔嵬一夫當關萬夫  
 莫開所守方年親化為狼與豺朝避猛虎  
 夕避長蛇磨牙吮血殺人如麻錦城雖云  
 樂不如早還家起道之難難於上青天側  
 身西望長谷嗟唯難於紛紛蕭士贊謂梁山  
亂華天子幸蜀而作為得



其解臣子忠愛之辭不比尋常穿鑿。筆陣從橫如蚪飛雙動起雷霆于指顧之間在華廬全輩仿之邊得其惟耳太白所以為仙才也

烏夜啼

黃雲城邊烏欲棲。歸飛啞啞枝上啼。機中織錦秦川女。碧紗如煙隔窗意。語停梭。悵然憶遠人。獨宿空房。淚如雨。其含深遠不須語言之煩賀知

章諱烏夜帝諸樂府因重太白烏于明皇

烏棲曲

姑蘇臺上烏棲時。吳王宮裏醉西施。吳歌楚舞歡未畢。青山欲銜半邊日。銀箭金壺漏水多。起看秋月墜江波。東方漸高奈樂何。末句為樂難久也綴一單句格奇

戰城南

去年戰桑乾源。今年戰葱河道。洗兵條支海上波。放馬天山雪中州。萬里長征戰三軍。盡喪老匈奴。以殺戮為事。作古來惟見



白骨。黃沙田。秦家築城避胡處。漢家還有  
 烽火然。烽火然。不自征戰無已時。野戰格  
 鬥死。敗馬嘶鳴向天悲。烏鴉啄人腸。衝飛  
 上挂枯樹枝。士卒塗草莽。將軍空爾為。乃  
 知兵者。是凶器。聖人不得已而用之。末句用老子

飛龍引二首

黃帝鑄鼎於荆山。煉丹砂。丹砂成黃金。騎

龍飛上太清家。云愁海思令人嗟。宮中綵  
 女顏如花。飄然揮手凌紫霞。徒風綰僧登  
 臺車。登臺車。侍軒轅。遨遊青天中。其樂不  
 可言。

鼎湖流水清且閒。軒轅去時有弓劍。古人  
 傳道留其間。後宮嬋娟多花顏。乘鸞飛煙  
 去不還。騎龍攀天造天關。造天關。聞天語。  
 長雲河車載玉女。載玉女。過紫皇。紫皇乃



賜白兔所擣之藥方後天而老。猶蟬。眉。童。後天而老凋三光下  
視。瑤。池。身。王。母。蟻。眉。蕭。颯。如。秋。霜。

長相思二首

長相思在長安。絡緯秋啼金井闌。微霜淒淒  
淒。簾。色。寒。孤。燈。不。明。思。欲。絕。卷。帷。望。月。空  
長歎。美人如花隔雲端。上有青冥之長天  
下有綠水之波瀾。天長地遠魂飛苦。夢魂  
不到關山難。長相思摧心肝

日色欲盡花含煙。月明欲素愁不眠。趙瑟  
初停鳳凰柱。蜀琴欲奏鴛鴦絃。此曲有意  
無人傳。願隨春風寄燕然。憶君迢迢隔青  
天。昔日橫波目。今作流淚泉。不信妾腸斷  
歸來看取明鏡前。怨而不怒。

上留田行上留田地名。其地有人  
父母死而不字其弟者  
為弟作歌以諷其兄故  
名上留田亦古樂府

行至上留田。孤墳何岿嶮。積此萬古恨。春



草不復生悲風四邊來。鴈斷白楊聲借問  
誰家地埋沒嵩里茔。古老向余言言是上  
留田蓬科馬鬣皆已平。昔之兄死弟不葬  
他人於此舉銘旌。一鳥死百鳥鳴一獸走  
百獸驚桓山之禽別離苦欲去迴翔不能  
征田氏倉卒骨肉分。青天白日摧紫荆交  
柯之木本同形。東枝顛顛西枝紫無心之  
物尚如此參商胡乃尋天兵孤竹延陵讓

國揚名高風綿。邈類波激清尺布之語寒

耳不能聽末以孤竹延陵漢文淮南為言

借古題以諷時事豈有感於  
水主隣各平以為是宗典

亦則格上白鳩拂舞辭此歌而曰

鑑鳴鐘考即鼓歌白鳩引拂舞白鳩之白

誰與鄰霜衣雪襟誠可珍含哺七子能平

均食不噎性安馴鳴鳩拂舞首畏取鳴陽春天子刻

五枚鏤形賜者人白鷺之曰非純真外潔



重刊詩集卷之六

借以賦外

其色心匪仁關五德無司晨胡為豕我葭

下之紫鱗鷹鸛鸚鵡貪而好殺鳳凰雖大

聖不願以為臣臣故作是詩以制

獨漉篇晉人古詞本或斷或責太

未易窺測恐強解之轉成穿鑿耳

獨漉水中泥水濁不見月不見月尚可水

深行人沒越鳥從曰來胡鷹亦北渡我欲

奮弓回天射惜其中道失歸路落葉別樹

飄春隨風客無所托悲與此同羅縉舒卷

似有人開明月直人無心可猜雄劍挂壁

時時龍鳴不斷犀象繡澀苔生國恥未雪

何由成名神鷹夢澤不顧鴟鳶為君一擊

鵬搏九天原詞力以報曉太白為國雪恥

合不能強作一意如劍挂壁以下言素士為國雪恥當立大功以成名猶鷹之

不顧氏鳥而擊九天之鵬也

### 登高正而望遠海

重刊詩集卷之六



登高山望遠海六鷲骨已霜三山所安在  
扶桑半摧折白日沉光彩銀臺金闕如夢  
中秦皇漢武空相待精衛費木石鼉鼉無  
所憑君不見驪山茂陵盡灰滅牧羊之子  
來攀登盜賊劫寶主精靈竟何能窮兵黷  
武今如此鼎湖飛危安可乘

楊叛兒

此童語也此片胡太后卷  
楊貴童語云楊安兒共戲  
來語訛轉為妖  
篇中州詠其事

君歌楊叛兒妾勸新豐酒何許最關人烏  
啼白門柳烏啼隱楊花君醉留妾家博山  
爐中沉香火雙煙一氣凌紫霞

即子夜讀  
曲意而語

不嫚褻故知君  
子言有則也

白頭吟

西京雜記云白  
頭吟卓文君作

錦水東北流波蕩雙鴛鴦雄巢漢宮樹雌  
弄秦州紫寧同萬死碎綺翼不忍云間兩  
分張此時阿嬌正嬌妒獨坐長門愁日暮



但願君恩顧。妾深豈惜黃金買。詞賦相如  
 作賦得黃金。丈夫好新多異心。一朝將聘  
 茂陵女。文君因贈白頭吟。東流不作西歸  
 水。落花辭條羞故林。信手、真木、死、不、入、少無情隨風任  
 顛倒。誰使女。羅枝而來。彈索抱兩。煙猶一  
 心。人心不如草。莫捲龍鬢。席從他生。細絲  
 且留琥珀枕。或有夢來時。覆水再收。豈滿  
 杯。妾已去。難重遇。古來得意不相負。祇

今唯見青陵臺

八白詩同。多象。知。孫。七。事。人。幸。合。謂。此。胸。際。三。皇。

后事殊支解也

久別離

別來茂春未還家。玉窻五見櫻桃花。况有  
 錦字書。開緘使人嗟。至此腸斷。彼心絕。云  
 裏綠鬢。罷梳結。愁如迴颺。亂白雪。去年寄  
 書報陽臺。今年寄書重相催。東風兮東風。  
 為我吹行云。使西來。待來竟不來。落花寂



煉委青苔

日出人行

日出東方暈似從地處來歷天又入海六  
龍所舍安在哉其名秋級四不息人非元  
氣安得與之久徘徊草不謝榮於春風木  
不怨落於秋天誰揮鞭策駟四運萬物興  
歇皆自然義和義和汝何汨沒於荒淫之  
陂魯陽何德駐景揮戈逆天違道矯誣實

多。我將囊括大塊浩然與道淳同和言言

戈之矯註不如委順造化之自然也總見學仙之謬

幽澗泉 琴操

拂彼白石彈我素琴幽澗惻兮流泉深善  
手明徽高張清心寂歷似于古杵颼颼兮  
萬尋中見愁猿吊影而危處兮叫秋木而  
長吟客有哀時失職而聽者淚淋浪以沾  
襟乃緝商綴羽潺湲成音吾但寫聲發情



於妙拙殊不知此曲之古今幽澗泉鳴深

林松響猿吟從琴言葛出俱可以例澗泉也梁公吟

梁公吟始于曾平後諸葛孔明作梁父吟

長嘯梁父吟何時見陽春君不見朝歌屠

叟辭棘津八十西來釣渭濱寧羞白髮照

清水逢時吐氣思經綸地有三千六百鈞

風回暗與文王親軀大公容天下而大公亂安思不測當年

頗似尋常人君不見高陽酒徒起草中長

揖山東隆準公入門不拜逞雄辨而去輕

洗來颯風東下齊城七十二拍揮楚漢如

旋蓬狂客客魄尚如此白場何況壯士當羣雄

吾欲攀龍見明主辰見一之昔黃女字雷公研會震天鼓帝旁

投壺多玉女八一揮湯王聽思言不得上陳一也三時大笑開雷光倏燦晦冥

起風雨閭闔九門欲可通以額觸關闔者

怒白日不照我精誠知時之將亂杞國無事憂天傾狹

猶磨牙競人肉見君子小人一列而八主不駟莫不折生草蒼耳持飛



而一去。如惡猶接。飛猛搏彫虎不自言。  
 孫搏彫虎側。又焦原未言苦智者可卷愚。  
若也。以愚血。言衆人言。  
 者哀世人見我輕鴻毛。力排南山三壯士。  
已之易。言上元贊人仙。以為。  
 齊相殺之費二桃。吳楚弄兵無劇孟亞夫。  
用初。望也。用已也。  
 哈爾為徒勞梁父吟。声正悲張公兩龍劍。  
 神物合有時。風云感会起屠劍。大人峴岵。  
言山。安。子。困。死。以。供。時。  
 當安之。始言品。尚之。耄年。郵食其之。狂士。  
猶乘時遇合。為壯士者。正當自奮。  
然欲以忠言寤主。而權奸。當逆言。路壅。  
塞。非不願剪除之。而人主不聽。恐為匪。  
人成害也。究之。論其當理。終當以負輔。  
因推安命。以成。有為。而已。後半。拉雜。使。

事而不見其亦以氣勝也。  
若無太白木領不易追逐。

北風行

燭龍棲寒門。光耀猶旦開。日月照之何不  
 及。此唯有壯風號怒天上来。燕山雪花大  
 如席。片片吹落軒轅臺。幽州思婦十二月。  
 停歌罷笑雙蛾摧。倚門望行人。念君長城  
 苦寒良可哀。別時提劍救邊去。遺此虎紋  
 金鞞。鞞中有二雙白羽箭。蜘蛛結網生塵



埃箭空在人愁戰死不復迴不忍見此物  
人愁戰死 所中 諸本 多 作 今 字  
焚之已成灰黃河捧上尚可塞北風雨雪  
從原本正之  
恨難裁淮南子 屬龍人身龍面而無足八  
恨難裁結之外有八極北極之山曰寒門

山人勸酒

蒼蒼雲松落落綺皓春風爾來為阿誰蝴蝶  
忽來滿芳草秀眉霜雪彥桃花骨清髓綠  
長美好稱是秦時避世人勸酒相歡不知  
老各守麋鹿志恥隨龍虎爭歛起佐天子

漢皇乃復驚顧謂戚夫人彼翁羽翼成歸  
來商山下泛若雲無情舉觴酬巢由洗耳  
何獨清浩歌望嵩嶽意氣還相傾

襄陽曲

落日欲沒峴山西倒著接羅花下迷襄陽  
白銅鞮 製 吳 武帝 時  
小兒齊拍手攔街爭唱白銅鞮傍人借問  
童 臣  
笑何事笑殺山翁醉似泥鸕鷀杓鸚鵡杯  
百年三萬六千日一日須傾三百杯遙看



漢水鴨頭綠妙于形恰似葡萄初醱。酷此江若愛  
 作春酒。墨麴便築糟。邱臺千金駿馬換小  
 妾。笑坐雕鞍歌落梅。車傍劍挂一壺酒。鳳  
 笙龍管行相催。咸陽市中數黃犬。何如月  
 下傾金罍。君不見晉朝羊公。一片石龜頭  
 剝落生莓苔。淚亦不能為之。隨心亦不能  
 為之。哀清風朗月。不用一錢買。玉山自倒  
 非人推。舒州力士鑑李白與爾同死生。

襄王雲雨今安在。江水東流接夜聲。羊叔

峴山碑猶然磨滅無人墮。况尋常富貴乎。不如輕精沉飲之為樂也。清風明月。二語區陽分。謂足以驚動千古。信然。地。登志舒州道士貢酒器。鑑器。韋堅。傳有程章力。木葉飲器。

江上吟

木蘭之枻沙棠舟。玉蕭金管坐兩頭。美酒  
 尊中置千斛。載妓隨波任去留。仙人有待  
 乘黃鶴。海客無心隨白鷗。屈平詞賦懸日



月。楚王臺榭空。山丘與。甜落筆。插五嶽詩。  
成笑。傲凌滄洲。功名富貴若長在。漢水亦  
應西北流。之理

侍從宜春苑奉詔賦龍池柳色初

青聽新鶯百轉歌

東風已綠瀛洲草。紫殿紅樓覺春好。池南  
柳色半青青。棠煙裊裊拂綺城。垂絲百尺  
桂。離樞。上有好鳥。洞和鳴。問。問。問。得春風

情春風卷入碧雲去。千門萬戶皆春聲。是  
時。君。在。錦。京。五。雲。垂。暉。耀。紫。清。伏。出。金。宮。隨  
日。轉。天。迴。玉。輦。繞。花。行。始。向。蓬。萊。看。舞。鶴  
還。過。芭。蕉。聽。新。鶯。新。鶯。飛。繞。上。林。花。願。入  
簫。韶。雜。鳳。笙。西都賦後宮則有芭蕉松風  
諸才作枝石者誤。三唐應  
制詩以此篇及摩詰之雲  
裏帝城雨中春樹為最上

寄玉屋山人孟大融

我昔東海上。芳山餐紫霞。親見安期公。食



東大如瓜

謂也。其期止見。下見。

東大如瓜。中年謁漢主。不慙還歸家。朱顏

謝春暉。白髮見生涯。所期就金液。飛步登

雲車。願隨天子天壇上。閒與仙人掃落花。

鳴臯歌送岑徵君

自在時梁園三尺雪在清冷也

作

若有人兮思鳴臯。阻積雪兮心煩勞。洪河  
凌兢不可以經度。冰龍鱗兮難容。舳舻仙  
山之峻極兮。聞天籟之嘈嘈。霜厓編皓以

合香兮。若長風扇海湧滄溟之波濤。玄猿

綠羅。蘇談窳窳危柯。振石駭膽。慄魄羣呼

而相號。峰嶸嵒而路絕。挂星辰于巖窾。送

君之歸兮。動鳴臯之新作。交鼓吹兮。彈絲

觴。清冷之池閣。君不行兮。何待。若返顧之

黃鶴。掃梁園之羣英。振大雅於東洛。巾征

軒兮。歷阻折。尋幽居兮。越巘。粵盤白石兮

坐素月。琴松風兮。寂萬壑。望不見兮。心氣



別。以。後。幽。居。許。莫。之。况。怡。好。引。老。下。段。  
氣。蘿。真。真。兮。靈。紆。紛。水。橫。洞。以。下。綠。波。小。  
聲。而。上。聞。席。嘯。谷。而。生。風。龍。藏。溪。而。吐。雲。  
寡。鶴。清。唳。飢。鷹。嘖。呻。魂。獨。處。此。幽。默。兮。快。  
空。山。而。愁。人。雞。聚。垓。以。爭。食。鳳。孤。飛。而。無。鄰。  
蠃。蛇。朝。龍。魚。目。混。珍。嫫。母。衣。錦。西。施。負。薪。  
○見。○吳。越。○春秋。  
若。使。巢。由。桂。楫。於。軒。冕。兮。亦。奚。異。乎。夔。龍。  
蹶。躡。於。風。塵。哭。何。苦。而。救。楚。笑。何。誇。而。卻。  
○中。色。晉。  
秦。吾。誠。不。能。學。二。子。沽。名。矯。節。以。耀。世。方。  
○宋。上。言。

周將棄天地而遺身白鷗兮。飛來長與君  
兮相親。學楚騷而長短疾徐橫縱馳驟又復變化其体是為仙才  
當塗趙炎少府粉圖山水歌

蛾眉高極西出天。羅浮直與南溟連。名公  
繹思揮彩筆。驅山走海置眼前。滿堂空翠  
如可掃。赤城霞氣蒼梧煙。洞庭瀟湘意。邈  
綿。三江七澤情。洄沿驚濤洶湧向何處。孤  
舟一去迷歸年。征帆不動亦不旋。飄如隨



風落天邊心搖目斷興難盡幾時可到三  
 山巔西峰崢嶸噴流泉橫石蹙水波滂潏  
 東崖合沓蔽軒窗深林雜樹空芊綿補前此中真  
 味失晝夜隱几寐聽無鳴蟬長松之下列  
 羽容對坐不語南昌仙梅福在南昌尉後傳為仙人趙夫子  
 妙年歷落青雲士訟庭無事羅衆賓香然  
 如在丹青裏真景如畫五色杉圖安足珍真仙可以  
 全吾身若待以成拂衣去武陵桃花笑殺

人

憶舊遊寄譙郡元參軍

憶惜洛陽董糟邱此只作引為余天津橋南造酒樓  
 黃金白璧買歌笑一醉累月輕王侯海內  
 賢豪青雲客就中與君心莫逆此言合迴山轉海  
 不作難傾情倒意無所惜我向淮南攀桂  
 校君留洛壯愁夢思不忍別還相隨相隨  
 迢迢訪仙城此言欲離仍合三十六曲水迴紫一溪初入



千花明萬壑。度盡松風聲。銀鞍金絡倒平  
 地。漢東太守來相迎。此句紫陽之真人邀我吹  
 玉笙。餐霞樓上動仙樂。嘈然宛似鸞鳳鳴。  
 袖長管催欲輕舉。漢東太守醉起舞。手持  
 錦袍覆我身。我醉橫眠枕其股。當筵意氣  
 凌九霄。星離雨散不終朝。此言上座分飛楚關山水  
 遙。余既還山尋故巢。君亦歸家渡渭橋。君  
 家嚴君勇貔虎。作尹并州遏戎虜。五月相

呼度太行。摧輪不道羊腸苦。行來北。京歲  
 月深。感君貴義輕黃金。瓊杯綺食青玉案。  
 使我醉飽無歸心。時時出向城西曲。晉祠  
 流水如碧玉。浮舟弄水簫鼓鳴。微波龍鱗  
 莎州綠。興來携妓恣經過。其若楊花似雪  
 何。紅粧欲醉宜斜日。百尺清潭寫翠娥。翠  
 娥嬋娟初月輝。美人更唱舞羅衣。清風吹  
 歌入空去。歌曲自繞行雲飛。此時行樂難



再遇。西遊因獻長楊賦。北闕青雲不可期。

東山白首還歸去。渭橋南頭一遇君。鄼臺

之北又離羣。問余別恨知多少。落花春暮

爭紛紛。言亦不可盡。情亦不可極。呼兒長

跪緘。此辭穿君千里遙。相憶敘與參軍情事離合

結搆分明才情動盪不止以縲逸見長也老杜外誰堪與敵

贈裴十四

朝見裴休則朗如行玉山。黃河落老走東

海。萬里寫入胸懷間。身騎白龍不敢度金

高南山。買君顧徘徊。六合無相知。飄若浮

雲且西去。黃河落天二語自道所得

白雲歌送劉十六還山

秦山楚山皆白雲。白雲處處常隨君。君入

楚山裏。雲亦隨君渡。湘水湘水上。女蘿衣

白雲。堪臥君早歸。隨手寫去自然流逸

廬山謠寄盧侍御虛舟

廬山謠寄盧侍御虛舟



我本楚狂人。狂歌笑孔聖。手持綠玉杖。朝  
 別黃鶴樓。五岳尋山不辭遠。一生好入名  
 山遊。廬山秀出南斗傍。屏風九疊雲錦張。  
 影落明湖青黛光。金闕前開二峰長。銀河  
 倒挂三石梁。香鑪瀑布遙相望。迴崖沓嶂  
 凌蒼蒼。翠影紅霞映朝日。鳥飛不到吳天長。  
 登高壯觀天地間。大江茫茫去不還。黃雲  
 萬里動風色。白波九道流雪山。好為廬山

謠興因廬山發。閒窺石鏡清我心。謝公行  
 處蒼苔沒。早服還丹無世情。琴心三疊道  
 初成。遙見仙人彩雲裏。手把芙蓉朝玉京。  
 先期汗漫九垓上。願接盧敖遊太清。先寫廬山  
形勝後言尋幽不如學仙與盧敖同遊太清此素願也筆下殊有仙氣

金陵酒肆留別

風吹柳花滿店香。吳姬壓酒勸客嘗。金陵  
 子弟來相送。欲行不行各盡觴。請君試問



東流水別意與之誰短長

語不必深  
情已足

夢遊天姥吟留別

天姥峰在  
大江北境下  
臨

縣

海客談瀛洲烟濤微茫信難求越人語天

姥雲霓明滅或可覩天姥連天向天橫勢

拔五岳掩赤城天台一萬八千丈對此欲

倒東南傾我欲因之夢吳越飛度鏡湖月一夜飛度鎖

湖月湖月照我影送我至剡溪謝公宿處

今尚在綠水蕩漾清猿啼脚著謝公屐身

登青云梯半壁見海日空中聞天雞千巖

萬壑路不定迷花倚石忽已暝熊羆咆龍吟

巖巖泉慄深林兮驚層巔雲青青兮欲雨

水澹澹兮生烟列缺霹靂丘巒崩摧洞天

石扇旬然中開青冥浩蕩不見底日月照

耀金銀臺霓為衣兮風為馬雲之君兮紛

紛而來下虎鼓瑟兮鸞迴車仙之人兮列



重刊唐詩卷之六

如麻忽魂悸以魄動。恍驚起而長嗟。惟覺

時之枕席。失向來之烟霞。世間行樂亦如

此。古來萬事東流水。別君去兮何時還。且

放白鹿青崖間。須行即騎訪名山。安能摧

眉折腰事權貴。使我不得開心顏。記言夢

盡相以極洞天。之奇幻。金醒後頓失烟

雷矣。知世間行樂亦同一夢。安能于夢

中。屈身權貴乎。吾當別去。遍遊名山。以

灞陵行送別

送君灞陵亭。灞水流浩浩。上有無花之古

樹。下有傷心之春草。我向秦人問路岐。云

是王粲南登之古道。古道連綿走西京。紫

闕落日浮雲生。正當今夕斷腸處。黃鸝愁

絕不忍聽。

宣州謝朓樓饒別校書叔雲

棄我去者。昨日之日不可留。亂我心者。今

日之日多煩憂。長風萬里送秋雁。對此可

重刊唐詩卷之六



以酣高樓蓬萊文章建安骨中間小謝又  
清發俱懷逸興壯思飛欲上青天覽日月  
抽刀斷水水更流舉杯消愁愁更愁人生  
在世不稱意明朝散髮弄扁舟

涇溪東亭寄鄭少府諤

我遊東亭不見三沙上行將白鷺羣白鷺  
行時散飛去又在西點青山雲欲往涇溪  
不辭遠龍門感波虎轉眼杜鵑花開春已

蘭歸向陵陽釣魚晚

虎轉眼唱水波微東  
有光相映若虎眼之

光劉禹錫汁水東流  
見虎文即此意也

示金陵子

金陵城東誰家子竊聽琴聲碧牕裏落花  
一片天上来隨人直渡西江水楚歌吳語  
嬌不成似能未能最有情謝公正要東山  
妓攜手林泉處度行

杜甫 少陵七言古如建章之宮千  
門萬戶如鉅鹿之戰諸侯皆



重刊唐詩別集卷六

三

從壁上見騰行而前不敢仰視如  
大海之小長風浪揚泥沙而舞  
惟物靈靈集別子或唐諸家蜀  
稱大宗大白以高勝少度以大  
勝執金而抗彥行後人亦能鼎  
足一節未嘗忠君其忠孝與夫  
子事父事君之旨有合  
不可以尋常詩人例之

玄都壇歌 漢武所築

故人昔憑東蒙峰已佩含景蒼精龍故人  
今居子午谷獨在陰崖結茅屋屋前太古  
玄都壇青石漠漠常風寒子規夜啼山竹

裂王母畫下云旗翻知君此計成長往芝  
草琅玕日應長鐵鎖高垂不可攀致身福  
地何蕭爽

兵車行

車轉轡馬蕭蕭行人弓箭各在腰耶孃妻  
子走相送塵埃不見咸陽橋牽衣頓足攔  
道哭哭聲直上千雲霄道傍過者問行人  
行人但云點行頻或從十五北防河使至

重刊唐詩別集卷六



四十西營田去時里正與裏頭歸米頭白

還成邊邊庭流血成海水武皇開邊意未

已君不聞漢家山東二百州千村萬落生

荆杞縱有健婦把鋤犁禾生隴畝無東西

况復秦兵耐苦戰被驅不異大與雞長者

雖有問役夫敢申恨且如今年冬未休關

西卒縣官急索租租稅從何出信知生男

惡及是生女好生女猶得嫁比鄰生男埋

沒隨百草君不見青海頭古來白骨無人

收新鬼煩冤在鬼哭天陰雨溼聲啾啾

明皇用兵吐蕃而作詠為問答  
聲音節奏純從古樂府得來

高都護驄馬行

安西都護胡青驄聲價欒然來向東此馬

臨陣久無敵與人一心成大功功成惠養

隨所致飄飄遠自流沙至雄姿未受伏櫪

思猛氣猶思戰場利腕促蹄高如踏鐵文







醉時歌 原在贈廣文  
館博士鄭度

諸公袞袞登臺省廣文先生官獨冷甲第  
紛紛厭梁肉廣文先生飯不足先生有道  
博詩出詩  
出義皇先生有才過屈宋德尊一代常坎  
軻名垂萬古知何用杜陵野客人更嗤被  
褐短窄髮如絲日籬太倉五升米時赴鄭  
老同襟期得錢即相覓沽酒不復疑忘形  
到汝爾痛飲真吾師清夜沉沉動春酌燈

前細雨簷花落但覺高歌有鬼神焉知饑  
死填溝壑相如逸才親滌器子云識字終  
投閣先生早賦歸去來石田茹屋荒蒼苔  
儒術於我何有哉孔聖本莊子盜跖論盜跖俱塵埃不須  
見賢志同盡不如語之千餘言  
聞此意恻愴生前相遇且銜盃政作曠達  
之意  
自在

醉歌行 原注別後姪  
勤落第歸

陸機二十作文賦汝更小年能綴文總角



重言唐詩別表 卷六 五

艸書又神速。世上兒子徒紛紛。驊騮作駒  
已汗血。鷲鳥舉翮連青雲。詞源倒流三峽  
水。筆陣獨掃千人軍。只今年纔十六七。射  
策君門期第一。頂射策舊穿揚葉真自知。頂時聖暫蹶霜  
蹄未為失。偶然擢秀非難取。全是排風有  
乏質。汝身已見唾成珠。汝伯何由髮如漆。  
春光淡。海秦東。亭渚蒲芽白。水荇青。風吹  
容衣日。杲杲樹攬離思。花冥冥。酒盡沙頭

又玉瓶衆賓皆醉我獨醒。乃知貧賤別更  
苦。吞声躑躅涕淚零。

送孔巢父謝病歸遊江東兼呈李

白

巢父掉頭不肯住。東將入海隨煙霧。詩卷  
長留天地間。釣竿欲拂珊瑚樹。深山大澤  
龍蛇遠。春寒野陰風景暮。蓬萊織女迴云  
車。指點虛無是征路。自是君身有仙骨。世

重言唐詩別表 卷六 五



人那得知其故惜君只欲苦死留富貴何

如草頭露時在蔡侯席上蔡侯靜者意有餘清夜置酒臨

前除罷琴惆悵月照席幾歲寄我空中書

南尋禹穴見李白道甫問訊今何如巢父

望孔之別後寄書只用一語  
學仙茲詩中多  
縹緲微仙語

飲中八仙歌

知章騎馬似乘船眼花落井水底眠汝陽  
三斗始朝天道逢綢車口流涎恨不移封

同酒泉左相日興費萬錢飲如長鯨汲百

川銜盃樂聖稱避賢宗之瀟洒美少年舉

觴白眼望青天皎如玉樹臨風前蘇晉長

齋繡佛前醉中往往愛逃禪李白一斗詩

百篇長安市上酒家眠天子呼來不上船

自稱臣是酒中仙張旭三盃州聖傳脫帽

露頂王公前揮毫落紙如雲煙焦遂五斗

方卓然高談雄辯驚四筵前不用起後不  
用收中間參差



言言唐言方表  
卷六  
三

歷落似八章仍似一章格法古去常有  
每人各贈我語故有重韻而不妨得

曲江

自。新。此。生。休。問。天。杜。曲。幸。有。桑。麻。田。故。將。  
移。住。南。山。遠。短。衣。匹。馬。隨。李。廣。看。射。猛。虎。  
終。殘。年。

貧交行

一。說。謂。言。盡。  
翻。手。作。云。覆。手。雨。紛紛。輕。薄。何。須。數。君。不。  
見。管。鮑。貧。時。交。此。道。今。人。棄。如。上。

麗人行

三月三日天氣新長安水邊多麗人態濃  
意遠淑且真肌理細膩骨肉勻。繡羅衣裳  
照暮春。盛金孔雀銀麒麟。頭上何所有翠  
微。鬋葉垂鬢唇。背後何所見珠壓腰極穩。  
稱身就中雲霧林房。輝。賜。名。大。國。號。與。秦。  
紫。駝。之。峰。出。翠。釜。水。精。之。盤。行。素。鱗。犀。筋。  
厭。飫。久。未。下。鑿。刀。縷。切。空。綸。綸。昔。閉。飛。鞞。

詩集卷之六  
麗人行



不動塵。御廚絡繹送八珍。蕭鼓哀吟感鬼神。賓從雜還實要津。後來鞍馬何處巡。當軒下馬入錦茵。楊花雪落覆白蘋。青鳥飛去銜紅巾。炙手可熱勢絕倫。慎莫近前丞相嗔。  
臣言姿態服飾之美飲食音果實從之盛德指斥房直言丞相大意本君子借老之詩石風刺意較顯口態濃意遠下倒插秦方當軒下馬下倒插丞相他人無此筆法

樂遊園歌

原注 晦日賀蘭場 長史筵中作

樂遊古園萃森爽。煙絲碧草萋萋長。公子華筵勢最高。秦州對酒平如掌。長生木瓢示真率。更調鞍馬狂歡賞。青春波浪芙蓉園。白日雷霆夾城仗。閭闔晴開詠蕩蕩。曲江翠幕排銀榜。拂水。徘徊舞袖翻絲雲。清切歌聲上。卻憶年年人醉時。只今未醉已先悲。數莖白髮那拋得。百罰深盃亦不辭。  
共賦 召試 為李相 呼即言朝古 日。辛。四。

聖朝亦知賤士醜。一物自荷皇天慈。此身

皇丁



身讀唐詩

飲罷無歸處。獨立蒼茫白。詠詩極歡真時

之感臨川蘭亭記序所云情隨事遷感興作之也

### 白絲行

綠絲源長不須白。越羅蜀錦金粟尺。象牀  
玉手亂殷紅。萬草千花動疑碧。已悲素質  
隨時染。裂下鳴機色。相射美人細意熨。貼  
乎裁縫滅盡針線跡。春天衣著為君舞。蚨  
蝶飛來背鸕鶿。語落絮遊絲亦有情。隨風照

日宜輕舉。香汗清塵。汗顏色。開新合。故置

何訖。君不見才士汲引難。恐懼棄捐忍羈

旅。澄潔之餘即捐棄之漸抱才之士所以甘忍羈旅也

### 漢陂行

岑參兄弟皆好奇。攜我遠來遊漢陂。天地  
黯慘忽異色。波濤萬頃堆琉璃。琉璃漫汗  
泛舟人。事殊興極憂。思集鼉作鯨吞。不復  
知惡風白浪何嗟及。主人錦帆相為開。舟



子喜甚無氛埃。鳥鷺散亂棹謳發。絲管啁啾空翠來。沈年續蔓深莫測。菱葉荷花靜如拭。宛在中流渤澥清。下歸無極終南黑。半波已南。純浸山動影裏。宛冲融間。船舫暝。憂雲際寺水面。月出藍田關。此時驅龍亦吐珠。馮夸擊鼓。羣龍趨湘妃。漢女出歌舞。金支翠旗。光有無咫尺。但愁雷雨至。蒼茫不曉神靈意。少知幾時奈老何。向來哀樂

何其多以好奇二字頂起中間鬼神風雨

樂二字總束全篇章法奇詭莫此為甚

驄馬行原注太常梁卿勅賜馬行李鄧公愛而有之命甫製

詩

鄧公馬癖人共知。初待花驄大宛種。夙昔傳聞思一見。壑采左右神皆竦。雄姿逸態何嶄崿。顧影驕嘶自矜寵。隅目青莢夾鏡懸。肉駿碾礪連錢動。朝來久試華軒下。未







應泣野亭春還雜花遠漁翁暝踏孤舟立  
夜、哭、意  
 滄浪水深青暝澗歌岸側鳥秋毫末不見  
 湘妃鼓瑟時至今斑竹臨江活劉侯天機  
 精愛畫入骨髓自有兩兒即揮灑亦莫比  
 大兒聰明到能添老樹翹崖裏小兒心孔  
 開貌得山僧及童子若耶溪云門寺吾獨  
見、中、而、思、遊、名、山、神、遊、題、外  
 胡為在泥滓青鞋布襪從此始題畫詩開  
人往往  
宗之

悲陳陶

陳陶斜在咸陽東唐書作陳壽。房琯自請帥賊東

戰大敗 故悲之

孟冬十郡良家子血作陳陶澤中水野曠  
 天清無戰去四萬義軍同日死羣胡歸米  
 血洗箭仍唱胡歌飲都市都人迴面向北  
 啼日夜更望官軍至

悲青坡

去陳陶不遠瑄敗後欲括重有所伺而中人促其故

敗又



我軍青坂在東門天寒飲馬太白窟黃頭  
奚兒日向西數騎彎弓敢馳突山雪河水  
野蕭颯青是蜂煙白人骨馬得附書與我  
軍忍待明穿莫倉卒。

哀江頭哀貴如也帝與如常遊幸曲江故以哀江頭為名

少陵野老吞聲哭春日潛行曲江頭  
宮殿鎖千門細柳新蒲為誰綠憶昔霓旌  
下南苑苑中萬物生彥色昭陽殿裏第一

人同輩日臨日併君日復甲故有富二隨君侍君側輦前才人帶弓箭白

馬嚼齧黃金鞍翻身向天仰射云一笑正

墜雙飛翼明眸皓齒今何在血污遊魂歸

不得清渭東流劍閣深去住彼此無消息

人生有情淚沾臆江水江花豈終極黃昏

胡騎塵滿城欲往城南望城北

手潛行  
關照

哀王孫至德元載七月祿山殺霍國長公主王兒附馬等八



十人只約王孫及郡縣主

長女城頭頭白烏夜飛近秋門上呼又向

人家啄大屋屋底達宮走避胡金鞭斷折

九馬死骨肉不時同馳驅腰下賓缺青珊

瑚可憐王孫泣路隅問之不肯道姓名但

道困苦乞為奴已經百日竄荆棘身上無

有元肌膚高帝子孫盡隆準龍種自與常

人殊豺狼在邑龍在野王孫善保千金軀

不敢長語臨交衢且為王孫立斯頰昨夜

東風吹血腥東來索駒滿舊都朔方健兒

好身手昔何勇銳今何愚竊聞天子已傳

位聖德北服南單于花門務面請雪耻慎

勿出口他人狙哀哉之孫慎勿疎五陵佳

氣無時無潤变化層出下躬似逐假博前

者七古能事已極

蘇端薛復筵簡薛華醉歌



文章有神交有道端復得之名譽早。愛容  
滿堂畫豪翰開筵上日思芳草安得健步  
移遠梅亂插繁花向晴昊千里猶殘舊水  
雪百壺且試開懷抱垂老惡聞戰鼓悲急  
觴為緩憂心擣少年努力縱談笑看我形  
容已枯槁坐中流草善醉歌歌辭自作風  
格老近來海內回長句汝與山東李白好  
何劉沈謝健分工才兼鮑昭昭秘心絕倒諸生

頗盡新知樂萬事終傷不自至集醉日落  
西風來願吹野水添金盃如澆之酒常快  
意亦知窮愁安在哉忽憶雨時秋井塌古  
人白骨生青苔如何不飲令心哀

洗兵馬原注收京後作

中興諸將收山東捷書夜報清晝同河廣  
傳聞一葦過胡危命在破竹中祇殘鄴城  
不日得獨任朔方無限功京師皆騎汗血







催春種淇上健兒歸莫嬾城南思歸愁多  
夢安得壯士挽二河淨洗甲兵長不用詩

四段每段平反相問各用六韵此古風  
變休兩京克復上皇還宮正臣子故  
幸之時安有預探移宮之事而加以諱  
試乎錢七比之商臣楊廣過用深文少  
陵忠愛共  
不若是

### 瘦馬行

東郊瘦馬使我傷骨格碎兀如堵牆絆之  
欲動轉欲側此豈有意仍騰驟細看六印

帶官字眾道三軍遺路傍皮乾剝落雜泥  
浮毛暗蕭條連雪霜去歲奔波逐餘寇驛  
歸不慣不得將士卒多騎內窺馬惆悵恐  
是病乘黃昔時歷塊誤一蹶委棄非汝  
能屈防見人慘澹若哀訴受王錯莫無品  
光天寒遠放雁為伴日暮不收烏啄瘡誰  
家且養願終惠更試明年春州長豈校房  
瑄失環

以之自  
比耶



乾元中寓居同谷縣作歌七首

有客有客字子美白頭亂髮垂過耳歲拾  
橡栗隨狙公天寒日暮山谷裏中原無書  
一作歸不得子脚凍皴皮肉死嗚呼一歌兮  
歌已哀悲風為我從天來

長鏡長鏡白木柄我生託子以為命黃精  
一在無苗山雪盛短衣數批不掩脛此時與  
子空歸來男呻女吟四壁靜嗚呼一歌兮

歌始放鄰里為我色惆悵

維入是鏡  
竟章法甚奇

有弟有弟在遠方

一作各

三人各瘦何人

強生別展轉不相見胡塵暗天道路長東

飛鴛鴦後鳥鵲安得送我置汝旁嗚呼三

歌兮三歌兮汝歸何處收况骨

有妹有妹在鍾離良人早歿諸孤癡長淮

浪高蛟龍怒十年不見來何時遲扁舟欲

從箭滿眼杳杳南國多旌旗嗚呼四歌兮



歌四奏林猿為我啼清畫

四山多風溪水急寒雨飈飈枯樹一作樹溼

黃蒿古城雲不開白狐跳梁黃狐立我生

何為在窮谷中夜起坐萬感集嗚呼五歌

兮歌正長魂招不來歸故鄉

南有龍兮在山湫古木龍窠枝相樛不葉

黃落龍正蟄蝮蛇東來水上遊我行惟此

女一作寡敢出拔劍欲斬且復休嗚呼其歌兮

歌思遲漢壑為我迴春姿木葉黃落冬日愁慘之狀故望

其酒春姿云陽長陰消所感者大

男兒生不成名身已老三年饑走荒山道

長安卿相多少年富貴應須致身早山中

儒生舊相識但話宿昔傷懷抱嗚呼七歌

兮情終曲仰視皇天白日速原本平子四

難諸篇然能神明變化不襲形貌斯為大家

戲題畫山水圖



十日畫一水五日畫一石能事不受相促  
迫王宰始肯留真跡壯哉崑崙方壺圖挂  
君高堂之素壁巴陵洞庭日本東赤岸水  
與銀河通用一廣句中有雲氣隨飛龍舟人漁子入  
浦淑山木盡亞洪濤風尤工遠勢古莫比  
咫尺應須論萬里焉得并州快剪刀剪取  
吳松半江水

題李尊師松樹障子歌

老夫清晨梳白頭立都道士來相訪握髮  
呼兒延入房手提新畫青松障障子松林  
靜杳冥憑軒忽若無丹青陰崖卻承霜雪  
翰偃蓋反走虬龍形老夫平生好奇古對  
此興與情才○營○意雲聚已知仙客意相親即○修○後○更覺良  
工心獨苦領○取○言○外松下丈人巾屨同偶坐似是商  
山翁悵望歌紫芝曲時危慘澹來悲風

戲為雙松圖歌原注

韋僊



天下幾人畫古松畢宏已老章偃少絕筆  
 長風起纖末滿堂動色嗟神妙雨株慘裂  
 苔蘚皮屈鐵交錯迴高枝白摧朽骨龍虎  
 死黑入太陰雷雨垂松根胡僧息寐靈龐  
 眉皓首無生著偏袒右肩露雙脚葉裹松  
 子僧前落草侯章侯數相見我有一匹好  
 束絹重之不減錦繡段已令拂拭光凌亂  
 請公放筆為直幹如長正且交元起百物平接如堂  
上不合生相樹不接

君掃却赤縣圖是也平謂起必須用警  
 語接如天下幾人畫古松下接絕筆長  
 風起絨未是也學者  
 丁此求之思过半矣

茆屋為秋風所破歎

八月秋高風怒號卷我屋上三重茆  
 飛度江灑江郊高者挂罾長林梢下者飄轉  
 沈塘坳南村羣童欺我老無力忍能對面  
不必作隱喻  
 為盜賊公然抱茆人竹去唇焦舌燥呼不  
 得歸來倚杖自歎息俄頃風立雲墨色秋



天漠、向昏黑布衾多年冷似鐵驕兒惡  
卧踏裏裂牀床屋漏無乾處兩脚如麻未  
斷絕自經喪亂少睡眠長夜沾溼何由徹  
安得廣厦千萬間大庇天下寒士俱歡  
風雨不動安如山嗚呼何時眼前突兀見  
此屋吾廬獨破受凍死亦足

男種松校字

重訂唐詩別裁集卷六



